

金闕延福天尊 玉書注祿天尊

福生無量天尊 青羅真人

妙行真人 不可思議功德

已上聖號各持一十遍各轉

太上玄靈北斗本命延生真經

第二時奉為某家解穰星運刑剋照臨之災各持念

玉清降福天尊 玉宸妙道天尊

金闕至尊天尊 運明廣照天尊

清淨流光天尊 開輝保生天尊

八卦護身天尊 九宮捍厄天尊

不可思議功德

已上聖號各持一十遍各轉

太上十一曜大消災神呪經一卷

第三時奉為三界雲程申奏土地等神增

助威光騰達章奏各持念

真靈感應天尊 和神利物天尊

常增上善天尊 靈應無窮天尊

神力無礙天尊 常來擁護天尊

不可思議功德

已上聖號各持一十遍各轉

太上昇玄消災護命妙經一卷

太上太清天童護命妙經一卷

進貢

九皇至尊凡信錢馬龍車九分

三府上真凡信錢馬一百二十分

右方功德至巳周圓恭以崇奉

聖號隨道場合回向者上真列寫不必具三

炁字於某伏以云云伏請

大道證明謹疏

年月 日奉道姓某 疏

道門定制卷之五

道門定制卷之六 丙六

西蜀道士樸庵呂元素集成

朱陵真隱性齋胡湘麓編校

自序

定制集備於大緣而遺於衆庶奉道深信之

士以無善本考校為不滿囑以後集補其遺

庶幾師門之意義不可辭爰加參考與前集

為全書尚有當別白疏于下其如未至有俟

賢達

齋品

廣成先生曰齋有二十七等備在三洞經中

各有品題標明所主世所修奉今著左方

太一齋十神太一主之

帝王修奉辰禮配天

九天齋九天生神帝主之

臣護國家保制劫運

金籙齋上天官主之

保佑帝王安人鎮國

玉籙齋中元地官主之

保佑六官輔宰死后上以為



1-1082-0-1-10-11

帝王之齋或大臣藩鎮為國祈禳亦許
修奉

黃籙齋下元水官主之事普資家國備濟

存亡開度七祖救拔三塗

盟真齋

宗廟遷拔及臣下拔亡皆可兼奉

洞淵齋以北帝為主

祛除疫癘掃蕩邪氣

九幽齋

然燈破暗解救亡魂

五鍊齋道士修行之

滅度還神安靈拔罪

正一齋傳度姓錄

傳神傳籙崇正除邪

右十品齋法皆有科儀其餘一十七品詳在

廣成黃籙序事儀中或雖有名題科儀不備

復有河圖眾醮五十壇廣成先生皆有儀範

因事制法世亦罕知常所修崇僅有數品其

他規範備載書大槩多解禳之法

河圖內篇三官辰曜解禳星運醮十一曜

解禳災運致福延年

河圖元紀南北二司延生同醮事南

延生削死治病消災

玄靈北斗七元延生醮

專奉七元凡禱必應

祈雨九龍醮祈求雨雪醮

為國為民降致雨澤

五帝安宅醮

鎮宅解犯安神辟邪

紫庭北陰醮專奉

深災重患所向不通人有妖邪宅多虛

耗仕進不利沈寃不伸嚴潔功行三醮

之後必獲異應

河頭代命斷除復連水醮

連年災患後嗣夭亡鬼祟憑凌先亡復

連先修章醮保存技亡醮罷行此以十

四人代形十物為普具舟舫於河邊遣

送斷除故云河頭

消災益算醮

上章乞恩祈禳請禱

正一傳度醮

傳受符籙保佑女男已上並係廣成先

生修儀制法

儲福定命醮九天丈人賜

丈人真君說開天經言人生日當念人

身之貴報父母之恩修此亦知衛生愛

身之理

更籍換按續命延生醮

奉事東嶽及七十二司主病患危急深

災重厄請受五戒改往從新力求感應

東嶽延生醮

專奉嶽皇延生懺罪

北極真武醮

專奉真武降福祛邪已上並係尉儀集

公觀制儀

文昌祈祿醮

祈禱功名延致爵祿

祈祥保嗣醮度人經第四十

祈保嗣續疏迪慶源

六甲保胎醮度人經第三十

六甲保胎醮度人經第三十

醮告六甲六十神將保魄胎元克獲圓滿

正一安壇醮

保寧家墓解犯安神

誓火禳災醮

告謝火屋消穰回祿

九幽拔罪醮九幽醮法馬主

救度亡人拔苦懺罪

隨願往生醮十方天尊真人為主

接引亡者隨願往生已上衆醮大則連

宵累日吹則日夜終宵皆可隨事上章

祈恩請命或力有未充事當修奉單朝

行道亦可為之

靈寶洞玄自然拔亡醮有儀

明太上自然之旨救拔亡靈

道士昇化遷度醮有儀

道士滅度薦福遷神

上清修真謝罪醮

道士修真消災懺罪

廣成先生曰醮者祭之別名也香花燈燭果

酒茶湯降天地致萬神禳災禱福兼利天下其法出於河圖龍文元化帝瑞神經率以消潔為先精神為本丹心苦志以希感通隨所祈禳修詞拜表精楷典實務在嚴恭其或鹵莽滅裂欺誕真聖自貽罪譴何福善之能致乎勉之勉之

議壇方位

廣成先生三籙序事皆以五方真文於啓壇夜宣布施於五方之案各以金龍鎮之所以辯方正位俟大醮言功方收真文度祝隨章焚奏揚煙於青空此實壇場之綱領蓋行道之時存想為要東西南北各有思存不容牽就間有好為異論者以上帝所臨皆當正北不問堂宇向背皆以帝座為北方一念之蔽乃使天地四方易位殊非通論不可遵行

議書章

竊見書章多拘當日或官觀家居屋宇寬敞有幽閑之地可令當日清心為之不然則必為鐘鼓音聲內外來往潰亂于前心境不清何由無錯誤漏忘之失往往至于大謬事既

逼迫不容更易醮主大有不滿之意殊為大害若章文非有他隱密事可預日事靜時今修寫點檢密封留太清細字當日書寫庶無錯誤亦為允當雖稍戾科文事當從權遠勝膠柱而大繆也

封章符

高功封章之時函上書符所傳謂之開天門符歷考之非也符出六甲籙中謂之陰陽符如甲子屬陽符則卓劍乙丑屬陰符下三畫又出真武三陣法書所載亦分陰陽又有散形呪今所書三畫乃是陰符章函既連天當用陽符不可不辯今著于篇與眾共曉



陽符聚形




陰符聚形

陽符散形


中天、飛天、收批陽玉玉界五

大聖ノ捷疾  方无道之鬼付天

一北獄依律治罪  真武將軍
唐葛周三將軍 卓劍相待

陰符散形

中天ノ飛天  收提陰玉玉界五
大聖ノ捷疾  方无道之鬼付天

一北獄依律治罪  天地水
唐葛周三將軍 三官教

青詞

唐天寶四載敕太清宮行事官皆具冕服停
祝板改為清詞書於紙上見杜佑通典唐奉
清宮真籙相事
甚嚴故有此較速及宋朝真宗皇帝更以青
紙謂之青詞清青之義各有攸始

寶誥

寶誥出於法書謂行法之人生有職品解化
之後令給寶誥西大陟階秩所以最後兩符云
隨品命秩與神齊并又云違爵加秩隨品命
遷之語今則一例施用頗多致疑若亡者非
是受法籙有階品功勤之人合除去最後兩
符為宜

詞文式 歐陽文忠公撰

皇帝本命道場青詞

維其號某年歲次某甲子某月某朔某日某
甲子嗣天子 臣某謹遣某入於某州某宮觀
開啓本命道場三晝夜罷散日設醮一座謹
上啓

太上開天執符御曆含真體道玉皇大天帝陛下
伏以寶杵無疆蒼穹垂佑吉日式臨於元命
醮科爰舉於舊章薦誠懇以惟精延
聖真而並集仰希靈輓敷錫眇冲四時叶序
以和平品彙均休而康泰無任懇切之至謹

詞 皇帝為晉國夫人杜氏建薦拔九幽
齋詞 生而有盡是謂物常道本無形實資冥助度
依德宇載肅淨場追懿德之已遠冀明靈之
垂祐

河南府平陽洞及北海水府投送龍
簡詞 九區至廣萬物類居惟川嶽之宅靈繁真僊

之總治載稽道祕實有舊章繁然玉簡之清
文宛若金鱗之瑞質茲為鎮信輔以精誠伏
願沖鑒昭臨純祺錫羨保邦家之永固均勤
植以蒙休

詞文止欲簡要前集已詳言矣今取歐陽
公三詞載于此庶可稽式又黃籙詞文三
奏九奏皆不能其及家國幽明鬼神六趣
頌者二江范公禮部設大供始取九時誦
經所為事作九詞總時分奏雅合儀軌今
取散等全文刊行并注其所取於道經
者以備有取法云出儒書者士夫自知也

黃籙詞文

啓壇

芝壇蕭啟藥笈飛華天風泛八會之音八會
靈書
九芒寶雲森五明之座九幽純寶雲玉座
雲篆
帝鄉而望幸啓齋範以翰誠羽葆瑤旌續紛
而來下金書玉字開度於無窮肆回道德之
先少答人天之望

祝聖

受丕顯命申上帝之真符資最上乘致封人

之精惻益厚至仁之春肆越錫夢之齡對揚
天休永作神主地方千里者九坐收四海之
功山呼萬歲者三莫紀兩宮之算時高孝體
道不息與天長存度人延保制劫

為國界禳災

龍文保運雲護八威之章度人經赤書玉宇
鳳曆紀圖天開千歲之鏡九廟隕祉
三靈薦休社六極於未形溥羣生而咸遂惟
一其德治還太古之風於萬斯年人躋皇極
之世天殃盡弭化日長春

為國界祀典神

升壇演教式揚祈穀之科翔聖真君云黃葛
為國儲祥第切傾葵之志際天所覆靡神不
宗既哀對於明靈宜導迎於顧享誕膺帝祉
增耀德感助元化以密庸保萬邦而嘉靖

遷拔

天高地厚共傾報本之誠雷動風馳莫急度
人之施果時賓儀龍漢出書於大有未明間
為急又云度人功大風火倬種親之永隲度
不存道跡山川急急傳命倬種親之永隲度
經歷劫度冀冲鑿之旁昭矜彼沈寃消其注訟

北斗經度人經拔出泉曲之府度人經北進入
道宮之中遠枝華進入道宮捨妄歸真永斷
羣迷之網北斗經還元反本畢升泉妙之
門度人經陸羅地水二司僊班乞降存亡罪籍

陸羅地水二司僊班乞降存亡罪籍

蕩蕩神鄉茫茫淵府總治沉冥之域未登勝
妙之庭尚賴洪慈曲加普濟幽械化飛於甘
露陰扉朗煥於太霞樹化善林度人經
太把藉帝前洗四生之多罪籍濟到帝前
歸班天上詠八極之清遊八極永息苦輪咸
躋道岸

六道有情

迷津未返濁海無涯俟列聖之流光憫重昏
而洞照自知宿命九幽經天等以六通慧今
一自知宿命諸罪人閉眼靜思俄頃之
一明了頓悟本心晞以陽翹之華

消災

灑其幽夜之爽咀玉音而鍊魄
沃金液以生神度人經玉音出離九幽
指丹天而投化飛凌三界廓玄路以登真方
丹天鍊度之所起凌色
界無色界之上

同室相依半生多難夫希陳徃愆而自省託
妙供以祈哀釋寃而萬罪除扶衰而九厄解
導以延生之燕誘其為善之衷宿業潛消不
隨六塵之網六根身色世緣早辦終依大有
之庭度人經偕與含情永歸元化

報父母劬勞

劬勞萬劫恩重以難酬喜懼一心憂深而未
解願鑒由中之請荐開無上之慈特拯亡而
固存俾遠惡而從善青官錫命生神東華
寶命度人經舉為倦化之人化成人
碧簡增年善碧簡增年永斷塵勞之障更新
介福敷錫有情

為申奏等神言功

載嚴法會普告於千真翕受殊靈橋周於一
切萬範克舉度人經羣靈駿奔茂集無疆
之休實緊顯相之助宜頌大賽首及靈司暨
茲昭事之流寧免犯科之瀆共仰懺謝仰俟
赦原

散壇

散壇古儀無散散詞止是心詞而已
幸之意尚或少通散壇則未伸再獻
先辭上聖無如仍宜心詞為佳天師

若儀文表亦備三獻既白有專祭
儀上真如欲用詞從三獻事畢宣奏
允推

驚與爾駕振萬騎以遶歸度人經流乘萬龍
驛言功傳連章奏別絕九天而直上凡在三
元之內俱蒙一洗之恩沐浴道化之玄虛味瓊
章而飛躍宿心允契感涕自零返僊仗於雲
中神進已邈望鈞天於帝所夢想空深

洞府投龍簡

齊功克展天鑿孔昭尚宣五老之符說龍簡
五老赤書丹文告下十方之府馳金龍之雲騎風火
不停叩寶室之巖扉煙霞未隔蕭陳嘉薦終
罄菲誠庶幾時萬之休周洽大千之界

土府

祈恩上帝錫命申官申金鈕白信之盟鹿簡
文扶玉書赤文之祕萬神咸聽度人經萬
神咸聽九地
潛宇盡原幽翳之魂剷除罪錄更列華清之
奏投簡有記名上
官列傳華清升化僊庭

水府

精嚴玉簡祗詣珠宮鑿黃籙之殊勳觀九霄
之清聽並走羣望肆通萬靈合庶彙以昭蘇

借七玄而獲濟愛河自竭法海常清

歐陽文忠公詞內所上啓

玉帝御號即本朝事實內元上尊號後準
徽宗皇帝尊委丞相張無盡再加工校正金
錄科儀注定十二

玉帝聖號云十六

太上開天執符御曆含真體道昊天玉皇
上帝即與泰壇郊祀

昊天上帝為一定之號又準

聖旨於天下州府天慶觀內起建

昊天玉皇上帝之殿以尊嚴奉今諸天慶
觀中太師魯國公所寫殿額自可遵承况
道藏中無盡金籙儀并巢先生刊行黃籙
儀內皆同此號惟知教法者自能通貫嘉
泰辛酉春九月謹識

道門定制卷之六

道門定制卷之七

西蜀道士樓卷呂元素校定

宋使真隱莊齊胡湘龍編校

安宅章

即日列詞具言但弟子家夙奉

大道精勤香火以防保長少無他伏用忻
悅而以胎生凡類崇奉多違慮延考烝復自
村思以其年月日興動土木營建此宅安立
門戶增置屋廡恐非吉日良時多有觸犯土
王之氣太歲太陰太陽大將軍當時司命古
儀

○是此時謂立屋之時他本誤看故
為此問非也今改為當時應分號十二月建
大耗小耗十二刑殺大時小時十二時神或
犯天禁地忌天空開大遠天空及開日皆宜
無此本改為空開若非
便利之宜又慮此屋或是古人刑牲盟誓之
地丘陵古墓之墟或下有潛屍埋骨伏匿之
魂或舊為寺觀壇場祠廟之所綿歷年代主
宰非一恐因觸犯慮致災凶華入宅以來居
止不利夢寐醜惡光怪四起錢財耗散災患
紛紜若無災可據此
紛紜一即便入下文合門尊卑憂惶在念詣
臣求拜章書分解禁忌安宅利居具如所列